

李文司敦播道斐洲游記原序

李文司敦先生。字曰大闢。以西歷一千八百十三年三月十九日。生於英國蘇格蘭萊那克邑之勃蘭丹爾。Blantyre, Lanarkshire, Scotland。迨一千八百七十三年五月初四日。卒於中斐洲之衣拉拉。Ila, Central Africa。先生生而有探險之性質。播道之才能。跡其生平。敬虔而勇敢。好動不好靜。先生之在斐洲。不啻如戈登 Gordon 之在中華。其察物之心才同。其感人之勢力同。其理煩治劇之多方同。其遇難成祥之效果。亦莫不同。但其慮事較靜。秉性較和。且爲探險之發明家。播道之慈善家。非若戈登之爲將帥家也。

從來探險家之事實。恆不爲科學家所敬重。曾憶史丹理氏 Stanley 當時所論之某湖某河。皆爲舊時地圖所未載。讀者輒疑其僞託。史氏嘗暗笑之。

李氏童年好學。初得工資。卽用以購買臘丁文初階一冊。乘暇自修。迨後於放工之時。入夜館從師。肄業臘丁文者多年。

迨年十九。升紡紗之工。攜書入廠。置於機旁。且紡且讀。機聲與書聲相賡續。習以爲常。時李氏工資頗厚。深堪自給。然其志願。欲入中華行醫播道。遂向播道會報名註冊。並於夏時在廠積得工資。以供冬令在格辣斯哥習醫並習臘丁文之需用。且在滑牢講師處。Dr. Wardlaw. 學習講道之要工。以致當時考試屢列優等。迨卒業時。得有內外科營業之文憑。

適遇中國有戰事。(卽中英在廣東開戰事)阻止李氏行蹤。不得入華播道。遂於主降後一千八百四十年。即中道光應倫敦播道公會之命。赴亞斐利加洲播道。

初抵斐洲極南好望角之噠噠埠。Cape Town. 復向東繞行奧爾古阿

居哥羅曼
斐毛氏女

遷居瑪布
撒

遇獅脫險

Algoa Bay. 海灣。從此入內地。約行八百英里。至哥羅曼。係教士毛法 Rev. R. Moffat. 播道之處。李氏卽在該處作主之工。迨後又娶毛法之女爲妻。自是以後。李氏又赴利比魯。Lepelole. 其地爲倍棍族人所居。Bakwains. 冀能通其方言。習其風俗。自辭公會播道之職。歷半年之久。擬在利比魯設堂播道。惜因倍棍族人爲他族人所逐。未遂其志。繼又在瑪布撒 Malabotsa. 播道。較利比魯尤爲順利。該處亦爲倍棍族人所居。李氏遂於一千八百四十三年。即道光十三年遷居之。李氏在瑪布撒遇巨獅。幾喪其命。時李氏見巨獅當前。燃槍擊之。方欲再發。獅忽負傷直撲。抓李氏之肩。同跌於地。獅大吼猛攻。若貓之撲鼠。李氏於此時。受驚昏迷。亦若鼠之遇貓。幸有一同遊之本地塾師。上前援救。急向獅放槍。不中。獅遂棄李氏而攻之。又有一本地人揮長矛刺獅。獅亦回撲之。幸槍

彈有靈。獅忽中彈倒斃。衆始脫險。誠不幸中之萬幸也。

倍棍族之酋長名西結耳。Sechel。信道受教。成爲主徒。又願在其族衆前。自作干證。勸人悔改信主。俗尙多妻。酋之妻則尤夥。自信道之後。卽遣其羣妻。使各返其母家。獨居守道。凡事求合於主之行爲。以表率其人民。

時斐洲南境。有一種蒲耳族人居之。其人本爲荷蘭種族。自卜居斐洲以來。柘地甚廣。違道亦甚遠。由其利用黑奴以資耕種。恆於郊野掠取土人以歸。逼作苦工。故其族人視播道爲多事。播道人亦視其地爲阻礙最多之區也。有教士名藍德理者。Dr. Laidley。勸西結耳遷地爲良。酋長西結耳從之。率其族人移居於哥羅奔。Kolobeng。其地有一小河。約在哥羅曼之北二百英里。

李氏向在哥羅曼播道。當從其妻父毛法。學習土木之工。農圃之藝。茲在哥